

瀛環志略

四

方

二
号


地理		
册数	号記	號冊
—	—	二
0	0	四
學 校	縣 中	滋 賀

290
55
Vol 4

彦根公
立中學
校印

歐羅巴
全圖

歐羅巴
全圖



亞細亞界

烏拉嶺

烏拉嶺

俄羅斯西境

俄羅斯都城

亞細亞界

鈴江貫中臨

清國

波羅的海

瑞國

瑞國

士普魯

日耳曼列國

亞利地塞

士瑞

黑海

土耳其西境

亞細亞界

佛郎西

英吉利三島

蘇格蘭

阿爾

西班牙

地中海

哥倫

沙力尼阿

意大利

里治

地中海

亞地干


羅倫

大西洋海

荷蘭地
國境屬

高麗

加利非阿



歐羅巴

歐羅巴或作友一土在亞細亞極西北隅以烏拉大嶺為界詳我

圖中國之所謂大西洋也絕長補短約得亞細亞四分之一西

距大西洋海水由西北灣環注入大地曰波羅的海一作八

名黃轉注東北分兩汊約三四千里波羅的海之南海水由正

西注入大地曰地中海泰西名墨力持爾勤尼由西而東約七

千餘里再分小汊注東北成巨浸曰黑海泰西名西周廻約二三

千里環波羅的海南盡地中海黑海之北岸為歐羅巴全土其

地自夏以前土人游獵為生食肉寢皮如北方蒙古之俗有夏

中葉希臘各國初被東方之化耕田造器百務乃興漢初意大

流長...

里亞之羅馬國創業垂統疆土四闢成泰西一統之勢漢史所謂大秦國也前五代之末羅馬衰亂歐羅巴遂散為戰國唐宋之間西域回部方強時侵擾歐羅巴諸國蒼黃自救奔命不暇先是火炮之法創於中國歐羅巴人不習也元末有日耳曼人蘇爾的斯始倣為之猶未得運用之法明洪武年間元駙馬帖木兒王撒馬兒罕威行西域歐羅巴人有投部下為兵弁者攜火藥砲位以歸諸國講求練習盡得其妙又變通其法創為鳥鎗用以攻敵百戰百勝以巨艦涉海巡行西關亞墨利加全土東得印度南洋諸島國聲勢遂縱橫於四海現大小共十餘國波羅的海之東岸有大城曰彼得羅堡一作必得爾士木爾俄羅斯之都

城也波羅的海之西岸與大西洋海相表裏地形如葵扇下垂曰瑞國從南岸突出如臂且波羅的海之門闕與瑞國作凹凸之勢曰噠國噠國之南曰日耳曼列國為歐羅巴之中原日耳曼之東北臨波羅的海曰普魯士日耳曼東南曰塞地利亞塞地利亞之東南臨地中海曰土耳其土耳其有三土此其西土中東兩土在亞細亞界內土耳其之南地形如手掌拊於地中海曰希臘日耳曼之南曰瑞士再南如人股之著屐入於地中海曰意大利亞列國日耳曼之西北臨海曰荷蘭荷蘭之南曰比利時比利時之南曰佛郎西佛郎西之西南曰西班牙西班牙之西臨大西洋海曰葡萄牙佛郎西之西北有三島雄峙海中曰英吉利

歐羅巴諸國之名。諸書異說幾難辨識。有一國本有數名者。有本係一名。而譯寫轉音。遂致言人人殊者。今採輯於後。以資考核。

資考核

俄羅斯 ○鄂羅斯 ○厄羅斯 ○阿羅思 ○幹魯思 ○元魯思 ○羅利 ○羅車 ○葛勒斯 ○縛羅答 ○莫哥

斯未亞 ○薩爾馬西亞 ○魯西亞 ○波壽啡

瑞典 ○蘇以天 ○瑞丁 ○綏林 ○瑞西亞 ○綏亦古 ○西費耶斯科 ○里都亞尼亞 ○匪馬爾加 ○波的亞 ○

藍旗

噠馬 ○領墨 ○吝因 ○丁抹 ○大尼 ○丹麻爾 ○大馬爾齊 ○雪際亞 ○蘇尼祭 ○盈黎馬祿加 ○低納馬爾

加黃旗

阿勒曼 ○阿里曼 ○占曼尼 ○耶馬尼 ○熱爾麻尼 ○亞勒墨尼亞

普魯士 ○破魯西 ○比阿爾彌亞 ○單鷹國 ○部魯西亞 ○捕魯寫 ○圍理

奧地利亞 ○塞特里阿 ○莫爾大未亞 ○東國 ○雙鷹國 ○奧斯德里亞 ○阿士得釐亞 ○阿士氏拉 ○歐

土耳其 ○都耳基 ○多爾其 ○特爾濟 ○都魯機 ○杜爾格 ○控噶爾 ○疴多馬諾 ○阿多曼

希臘 ○額里士 ○額力西 ○厄勒祭 ○厄肋西亞

瑞士 ○蘇益薩 ○黑爾威西亞 ○東色楞 ○綏沙蘭

意大利亞 ○以他里 ○以他利 ○伊達利 ○羅問 ○羅汶 ○那嗎 ○薩都爾尼亞 ○厄諾地亞 ○奧索尼亞

荷蘭 ○和蘭 ○賀蘭 ○法蘭得斯

比利時 ○惟理儀 ○比義 ○比爾啞喀 ○比爾日加 ○密爾閏 ○彌爾尼壬 ○比利閏

佛郎西 ○佛朗西 ○法蘭西 ○佛郎機 ○佛朗機 ○佛朗西 ○奧廬 ○奧祿 ○牙里亞

西班牙 ○是班牙 ○斯扁亞 ○士便 ○干絲蠟 ○義斯巴 ○尼亞 ○以西把尼亞 ○大呂宋 ○意卑里亞

葡萄牙葡荷駕○葡荷庫耳○布路亞○波耳都欺○博爾

英吉利英機黎○英圭黎○膺吃黎○厄利○英倫的○及列的不列顛

按以上各國。惟我羅斯與中國互市。在西北陸路。不由海道。

其至與東貿易者。英吉利船最多。居各國十分之六。西班牙

之船。大半自呂宋來。粵東稱大小呂宋。不稱西班牙。船之多。

幾過於英吉利。而洋米之外。少別貨。此外則奧地利亞普魯

其次之。○國荷蘭又次之。○瑞國又次之。○佛郎西貨船。每歲來

粵。多不過三四隻。少則一二隻。所載皆呢羽鐘表諸珍貴之

物。○葡萄牙即居澳門之大西洋。其本國商船來者甚稀。○日耳

曼之幹堡一作昂北○來梅○兩埠閒有貨船來粵。○比利時

現求通商。船尚未來。○意大利亞近分四國。商船無來者。○土耳

其係回回。○希臘新造小國。向未通商。○俄國十萬餘人。

泰西人有歐羅巴列國版圖說。一曰我羅斯。國王主治。地三

百二萬正方里。居民四千一百萬人。每年進帑五千二百萬

圓。洋銀皆以圓計。重者七錢。二分。輕者四五錢不等。國家欠項二萬萬圓。額兵六十

萬。戰時百萬餘。師船三十六隻。○二曰英吉利。女王主治。地

三十萬正方里。居民二千二百萬人。每年進帑二萬二千八

百萬圓。欠項三十五萬萬圓。額兵九萬。戰時三十七萬。師船

六百十隻。戰時千餘隻。○三曰佛郎西。國王主治。地六十三

萬正方里。居民三千二百萬人。每年進帑一萬五千七十萬

圓。欠項三十五萬萬圓。額兵九萬。戰時三十七萬。師船

六百十隻。戰時千餘隻。○三曰佛郎西。國王主治。地六十三

圓。欠項四萬八千萬圓。額兵二十八萬。戰時三十二萬。師船三百五十隻。○四曰奧地利亞。國王主治。地七十五萬正方里。居民三千二百萬人。每年進帑五千二百萬圓。欠項二萬萬圓。額兵二十七萬。戰時七十二萬。師船三十一隻。○五曰普魯士。國王主治。地三十萬正方里。居民一千二百萬人。每年進帑三千萬圓。欠項一萬一千四百萬圓。額兵十五萬。戰時五十二萬。師船未詳。○六曰西班牙。女王主治。地四十一萬正方里。居民一千三百萬人。每年進帑二千六百萬圓。欠項二萬三千餘萬圓。額兵四萬六千。戰時十七萬。師船今無。○七曰土耳其。國王主治。地六十萬正方里。居民九百餘萬。

人。每年進帑一千一百萬圓。欠項三千六百萬圓。額兵八萬。戰時二十萬。師船百有餘隻。○八曰瑞國。國王主治。地六十七萬正方里。居民三百八十萬人。每年進帑七百萬圓。欠項一千七百萬圓。額兵四萬五千。戰時十三萬。師船三十隻。○九曰暹國。國王主治。地一十五萬正方里。居民二百萬人。每年進帑四百萬圓。欠項四千萬圓。額兵三萬八千。戰時七萬四千。師船一百隻。○十曰葡萄牙。女王主治。地一萬八千正方里。居民三百七十萬人。每年進帑八百七十萬圓。欠項二千四百萬圓。額兵四萬。戰時七萬。師船二十三隻。○十一曰荷蘭。二王分南北主治。北曰荷蘭。南曰比利時。共地七萬七千正方里。

居民六百九十餘萬人。每年進幣一千二百萬圓。欠項一萬七千八百萬圓。額兵四萬三千。戰時六萬九千。師船一百餘隻。○十二曰拿破里。一名捏不爾士。又作那不勒斯。意大里亞所分國。國王主治。地

一十二萬正方里。居民七百四十萬人。每年進幣一千二百萬圓。欠項八千四百萬圓。額兵二萬八千。戰時六萬。師船十二隻。○十三曰撒地尼。一作沙力尼阿。又作薩爾的尼亞。亦意大里亞所分國。國王主

治。地七萬四千正方里。居民四百一十萬人。每年進幣八百七十四萬圓。欠項二千四百萬圓。額兵二萬八千。戰時六萬。師船八隻。意大里亞本分四國。兩國之外。尚有羅馬。突加拿二國。此說遺之。○十四曰瑞士。

無國王。民自推鄉長理事。地三萬二千正方里。居民二百萬人。每年進幣二萬五千圓。鄉兵三萬三千丁。○十五曰希臘。

國係新造。地域稅入兵額未詳。○十六曰日耳曼。分四國。一曰巴華里。一作拜焉。又作巴威也拉。有國王。地九萬正方里。居民四百萬人。每年進幣一千四百萬圓。欠項四千四百萬圓。額兵五萬

三千。戰時七萬一千。二曰漢那華。一作漢挪瓦。又作亞諾威爾。有國王。地四萬二千正方里。居民一百五十萬人。每年進幣四百六十

八萬圓。欠項一千二百萬圓。額兵一萬二千。戰時二萬六千。三曰味耳典白。一作威丁山。又作瓦爾敦巴耳。有國王。地二萬正方里。居民一百五十萬人。每年進幣三百三十四萬圓。欠項一千萬圓。

額兵四千。戰時二萬七千。四曰撒遜。一作撒孫。又作薩克地。又作塞德。

一千五百正方形。居民一百四萬人。每年進幣八百七十四萬圓。欠項一千二百萬圓。額兵一萬三千。戰時二萬四千。別有大小侯國二十餘。不在此內云。○余按此說。各國地域之正方形。與中國開方法不同。不知其如何折算。其所列進幣兵額。師船之數。與別書多不合。殊不足據。所謂欠項者。乃國所欠於民之數。西土之例。國有兵事。則聚鄉紳於公會。令其籌辦兵餉。皆貸於富商大賈。而歲償其息。愈積愈多。或罄一歲之入而不足。以償。則加稅額。以取盈焉。民之怨畔。國之衰弱。半由於此。

歐羅巴一土。以羅經視之。在乾成方。獨得金氣。其地形則平土。

之中。容畜滄海數千里。迴環吞吐。亦與他壤迥別。其土膏腴。物產豐阜。其人性情縝密。善於運思。長於制器。金木之工。精巧不可思議。運用水火。尤為奇妙。火器創自中國。彼土倣而為之。益加精妙。鑄造之工。施放之敏。殆所獨擅。造舟尤極奧妙。蓬索器具。無一不精。測量海道。處處誌其淺深。不失尺寸。越七萬里而通於中土。非偶然也。

西北之耀武功。始於漢。故稱中國為漢人。嶺南之聚番舶。始於唐。故稱中國為唐人。然唐時之番舶。亦不過南洋小西洋諸島國王。涯之胡椒。八百斛。故南洋產也。後來盛稱波斯胡。波斯即今之包社。在印度之西。中土統謂之小西洋。歐羅巴諸國之東。

來先由大西洋而至小西洋。建置埔頭。漸及於南洋諸島。然後
內嚮。而聚於粵東。萌芽於明中。濫觴於明季。至今日而往來七
萬里。遂如一葦之杭天地之氣。由西北而通於東南。倘亦運會
使然耶。

歐羅巴之人。長大白皙。隆準深眶。黃睛。亦有黑睛者。鬚多連鬚。或繞

頰。有條直似中土者。有拳曲如虬髯者。有全薙者。有全留者。有

分別留鬚。髯如中土者。不關乎老少也。髮留二三寸許。長則剪

去。鬚與髮多黃赤色。明季稱荷蘭為紅毛。近年稱英吉利為紅毛。皆因其鬚髮之黃赤。然歐羅巴人皆如

此非獨兩國為然也。間亦有黑色者。髮黑者。晴亦黑。女子髮與睛亦然。或云居中

土久則鬚髮與睛漸變黑。其男女面貌亦有半似中土者。男子

冠平頂。圓甬窄簷。高三四寸。或氈或帛。見客則釋冠以為禮。皆
闊領及領。窄袖束身。長僅及腹。袴亦緊束於股。外襲之衣略寬。
長可及膝。敞其前襟。其衣內用布。外用呢。冬不裘。夏不葛。履鞞
並著。以革為之。女人髮全留。挽髻略似中土。衣亦窄袖。貼身而
無領。前露胸與肩之半。後裸背之近項者。約五六寸。出門則襲
闊領之衣。掩蔽之。下著裳。長拂地。腰皆襞積。約五六層。男女皆
好潔。日就浴盤。

歐羅巴諸國。迤南者在北黃道之北。寒暑略似中原。迤北者在
北黑道之南。積雪至五六尺。堅冰至三四尺。俗傳西洋人畏冷。
誤矣。冬月室皆熾炭。衣氈數重。無著皮者。所傳畏冷者。乃黑夷

黑夷皆印度或南洋各島人。與赤道相近。亘古未見冰雪。其遇
祁寒而瑟縮也宜矣。

歐羅巴五穀之種皆備。極北嚴寒。多種油麥。日耳曼以南。以小
麥大麥。收麥為主。俄羅斯南境及土耳其。以粟米黍米高粱為
主。種秔稻者。惟意大利西班牙。地處極南故也。果實則桃杏李
柰檸檬柑橘葡萄櫻桃橄欖桑葚無花果甘蔗皆有之。蔬菜多
種。以番薯為重食。以麥麩燒作餅餌。牛羊豕皆炙熟。沃以醢醢
食用。刀匕不用箸。飲用加非煮湯。和以酥糖油。以橄欖為之。清
香不減。胡麻釀酒。以葡萄酒間有用櫻桃果仁大麥為之者。不如
葡萄所釀之醇。羽緞用旄牛之毛。大呢用緜羊之毳。棉花由五

印度米利堅販。運用火機織布。工省而價廉。五金之鑛。各國多
有之。而俄羅斯產鐵最多。諸國皆取給焉。銀鑛舊資日耳曼之
撒遜。近年取之南亞墨利加。材木隨處成林。橡松桤榆檉為多。
紋緻而質堅。中國牲畜皆備。牛與豕極大。

歐羅巴諸國來粵東。皆從大西洋海開行。沿亞非利加之西岸。
南行至盡頭之歲阿穆島。一作好望。俗名大浪山。乃轉而東北。舟行至

此風濤最惡。彼土人慣於浮海。亦罔不慄慄危懼。過此乃額手

稱慶。浮印度海東北行。入蘇門答臘噶羅巴之巽他海峽。又東

北而至粵東。計程約七萬餘里。俗稱來三去五。蓋由大西洋來

中國。約三月程。回國則須五月程。往返同途。而遲速不同者。非

九 附眉 閩 嶺

盡由風信之順逆也。四海之水皆東趨至尾閭而入大地。又從萬派源泉分流而出。由歐羅巴至中國則為順流。由中國西旋則為逆流。故遲速不同耳。

按七椿園西域聞見錄云。俄羅斯之西北有大國曰控噶爾。包俄羅斯東西界之外。所轄各城自萬戶至十餘萬戶不等。小城屬於大城。每一大城屬小城三四以至十餘。大城計一千四百餘。都域名務魯木。南北馬行九十日。東西亦然。城門二千四百。城內大江三。山河藪澤不可勝計。宮室縣亘數十里。黃屋朱門皆以珠寶為飾云云。余嘗讀之而疑其誕。以今考之。則西方並無此國。俄羅斯之北界直抵北冰海。無別

壤。其西則與歐羅巴之瑞典普魯士奧地利亞接壤。西南與土耳其接壤。東南與波斯接壤。乃知所謂控噶爾者。蓋指歐羅巴之全土。所云與俄羅斯交兵之控噶爾乃係指土耳其詳俄羅斯土耳其圖說今大小有

數十國。爭域爭地。時合時分。不相統一。千餘年之前。惟意大里亞為一統之朝。歐羅巴諸國皆其臣僕。其都城極大。名曰羅馬。與椿園所云務魯木者。譯音相近。然亦不過七八十里。安得馬行九十日。耶意大里亞早已四分五裂。廢為弱小之邦。安得一姓稱雄如所云云耶。又俗傳控噶爾有大河。長萬餘里。闊數千里。以今考之。即地中海。乃海水之東注。非河水之西流。椿園又云。控噶爾富甚。其汗每暗攜金銀。潛擲人烟

聚集之區。如有多人爭拾。則惻然憫惕。必廣為施濟。比戶豐裕而後已。此則尤誕。彼土以貿易為生。嗜利如命。稅課百計。取盈猶頗。頷不足安。得如許金錢。博施濟衆。耶椿園得之耳。食姑妄言之。而世乃據為典要。亦誤甚矣。

歐羅巴諸國。皆善權子母。以商賈為本。計關有稅。而田無賦。航海貿遷。不辭險遠。四海之內。徧設埔頭。固由其善於操舟。亦因國計全在於此。不得不盡心力而為之也。

歐羅巴諸國。自漢以後。皆奉洋教。教王居於羅馬。操列國興廢之權。明初日耳曼人路得。別立西教。自是諸國從洋教者半。從西教者半。君民之相仇戮。列國之相攻伐。半由爭教而起。然所

謂洋教者。即西教。其書同而講解異。其餘教規。大致相同。

詳意大里

說圖

歐羅巴諸國紀年。皆稱一千八百幾十年。非其傳國之年數也。各國皆奉西教。以教祖降生之年為元年。至今凡一千八百餘年耳。至各國祚數。或修或短。惟佛郎西傳世最久。其餘多者亦不過數百年。且時立女主。族姓潛移。俗傳西洋諸國。自古未易姓者。妄也。

歐羅巴所刻通書。不置閏。有_下三十一日為一月者。有_下三十日二十九日為一月者。

西洋諸國。語言文字相同者。普魯士。奧地利亞。與俄羅斯。地相

接也。英吉利與米利堅。西班牙與墨西哥以南諸部。葡萄牙與巴西本三國之所分也。餘皆不相同。


（Faint vertical text columns, likely bleed-through or secondary text, including dates like '三十一日' and '二十日'）

俄羅斯

全圖




海水北



新俄羅斯疆圖



錢氏書中刻



鈴江貫中臨圖

俄羅斯國

俄羅斯國。俄羅斯○鄂羅斯○厄羅斯○阿羅斯○幹魯思○
 兀魯思○羅利○羅車○葛勒斯○縛羅答○莫哥
 亞○沒壽啡○魯西○據亞細亞○歐羅巴兩土之北境。復跨海據亞墨
 利加之西北隅。拱北冰海。如玦環。長約二萬餘里。外夷第一大
 國也。其西土西界瑞典。普魯士。奧地利亞。南界土耳其。波斯。東
 界西域回部。其東土南界哈薩克回部。喀爾喀。蒙古。黑龍江。綜
 其全土。在亞細亞者十之六。在歐羅巴者十之四。然其新舊兩
 都城。皆在歐羅巴。其富盛之部落。雄麗之城邑。萃於西偏。迤東
 之地。雖廣莫。乃荒寒不毛之土。其會盟戰伐。亦皆與歐羅巴諸
 國為緣。國勢在西。而不在東。故隸之歐羅巴。其國古稱薩爾馬



錢氏實中圖

西亞自唐以前為西北散部受役屬於匈奴唐懿宗咸通年間有酋長祿利哥者招引族類肇造邦土傳至烏拉的米爾訶羅斯訶兩世立國始有規模周世宗顯德年間有王后理國政始崇希臘洋教其嗣位之王有十二子分國為十二部由是兄弟鬩牆互相攻伐日就衰亂宋理宗年間元太祖西伐滅阿羅思阿速欽察三部皆今俄羅斯立長子朮赤為汗由是為蒙古別部元衰俄羅斯故王後裔乃稍稍振起明嘉靖初借瑞典兵力驅逐蒙古復其土宇後有國王孛以萬者一作伊挽又作宜萬有雄略辟地日廣達於東海之隅性殘忍好殺戮臣民數萬人由是群下離心傳至波利斯後國勢寔弱內訌四起時波蘭方強日見侵削國

人恟懼思得賢主以靖國康熙四十年立彼得羅為國王一作伯多

羅又作彼達王即彼得羅幼時其姊貪權欲據王位彼得羅避別書所云察罕汗

禍隱寺內為僧既為衆所推立卑禮招致英賢與圖國事躬教士卒騎射兼習火器悉為勁旅由是政令更新國俗為之一變

境內既平乃巡行邊界開通海口嘗以俄人不善駛船變姓名走荷蘭投舟師為弟子盡得其術乃歸治舟師與瑞典戰勝之

瑞典割芬蘭以講遂建新都於海濱曰彼得羅堡一作必特爾

比特革又作桑比疏通波羅的海道水陸皆操形勢戰勝攻取

疆土愈闢俄羅斯近世之強大實自彼得羅始也彼得羅歿其

后嗣位敏慧有權謀所任大將名震隣國疆土益廣乾隆二十

年王后加他隣一作加達利納。即他書所云扣肯汗。嗣位。淫蕩多嬖。而精於理事。

招致他國百工。厚給廩餼。教國人以藝事。廣延文學。兼修武備。

南隣之土耳其回部大國。與我構兵數十年。后累挫其鋒。割其

北境。又分割波蘭三分之一。后死。嗣王即位。見弒。子亞勒山德

黎繼立。與佛蘭西連兵數年。講和而罷。弟居歌拉士嗣立。一作居哥

勞伐土耳其大捷。波斯來侵。擊退之。割其日爾日等屬部。威聲

甚著。即今在位之王也。其國大略分四部。在歐羅巴境內者。曰

波羅的海東部。曰波蘭部。在亞細亞境內者。曰高加索新藩部。

曰西伯利部。

波羅的海東部。西抵波羅的海。東至烏拉嶺。鳥拉嶺。北起北水

海。南至白爾摩長

約四千里。歐羅巴亞細亞而土。以此嶺為界。北距北冰海南盡黑海。南北約七千餘

里。東西約五千餘里。我羅斯本國之全土也。地形平坦。東方始

見山嶺。大勢分五域。曰東嶽。曰大嶽。曰加匿嶽。曰小嶽。曰南嶽。

○東嶽在國之西北境。因據波羅的海東岸。故稱東嶽。地分五

部。首部曰彼得羅堡。其故王彼得羅建新都於此。因以為名者

也。沿海一帶。平野蒼茫。松榆茂密。間有狹田地。氣寒甚。冬氣居

六月之久。都城在屈瓦河口。近偏海港。西風起。則水湧入城。街

衢。溢城內。多廣厦傑構。王延長四十五丈。闊三十八丈。金彩

耀目。宏麗為西國之最。泰西人造屋。皆層樓疊架。繞以迴廊。外無牆垣。院落雖王宮亦如此。居民

四十二萬五千。內水陸兵五萬五千。客民二萬五千。別有藏軍

四十二萬五千。內水陸兵五萬五千。客民二萬五千。別有藏軍

四十二萬五千。內水陸兵五萬五千。客民二萬五千。別有藏軍

四十二萬五千。內水陸兵五萬五千。客民二萬五千。別有藏軍

器之城曰立冕。彼得羅堡之西南曰斯多尼亞部。再西南曰里窩尼亞部。兩部內港有大埔頭曰利牙。每年出入商艘千餘。再南曰孤爾蘭的亞部。彼得羅堡之北曰芬蘭部。本瑞典東北境。我戰勝割得之地。極廣莫而氣候寒冽。人戶貧乏。○大嶽嶽之中原。毘連北地。幅員遼闊。故稱大嶽地。分十九部。首曰墨斯科部。一作木吉在四境適中之地。嶽之舊都也。規制鉅麗。百官之居皆飾以金銀。文化八年嘉慶十六年。佛郎西拿破侖新得國。勢方張。欲混一西土。以大兵伐我。圍墨斯科城。將陷。我人恐其據之也。燒之而走。火旬日不息。佛師退。乃次第修復。王殿廣七十七丈。長二百一十丈。宇內宮闕之高大。殆無與比。墨斯科之左曰瓦拉的迷

爾部。曰居內諾烏荷羅部。舊為國之大市。今已衰廢。曰赫阿匪部。墨斯科之右。曰加婁牙部。百工萃集之地。曰斯摩梭斯科部。墨斯科之南。曰都拉部。其民治鐵鑄造各器。曰當波弗部。曰荷勒爾部。曰窩羅尼日部。曰古爾斯克部。墨斯科之北。曰哥斯德羅馬部。曰日羅斯拉部。曰的威爾部。曰北斯哥帶部。再北曰荷勒內部。曰窩羅荷達部。曰諾弗哥羅部。三部地氣皆寒冽。極北臨北冰海。曰亞爾干日爾部。廣莫倍芬蘭。而荒寒不可耕。人戶甚稀。多以捕魚為業。加匪諸部之粟。時由內河往糶。極北濱海之民。皆短小。以犬為馬。以鹿為牛。有天使頭城。在白海內港之濱。冰消之時。商船可以出入。○加匪嶽。在大嶽之東。本回部地。

明嘉靖間。我攻得之。分為五部。地腴坦宜稼。產穀甚豐。又產木
材銅鐵番鹼。其民善於硝皮。首部曰加厘。加厘之南曰新比耳
斯克部。新比耳斯克之西曰奔薩部。加厘之北曰維亞德加部。
再東北曰白爾摩部。○小我在大我之西南。舊本我地為波蘭
回部所侵割。尋復奪還。其地氣候溫和。川原清曠。綠柳垂楊。相
望。葡萄柑橘皆繁生。其民耕田熟皮造番鹼。各勤本業。分三部。
曰究部。曰厄加德黎諾斯拉部。曰者爾厄荷弗部。○南我在大
我小我之南。土脈膏腴。產穀最多。分糶諸國。地分五部。曰加的
勾巴爾的哥部。曰給爾孫部。曰比薩拉比亞部。在黑海中者。曰
搆里達部。小山疊秀。地氣溫煦。稱樂土。加的勾巴爾的哥之東。

曰薩拉德夫部。其種人曰可薩悍勇。善戰馳騎如飛。我人每用
以破敵。稱為勁旅。其開拓西伯利廣土。皆此部兵力也。西伯利
部。戍守
之兵亦皆
此部人。

波蘭部 一作破蘭 又作波羅 在海東諸部之西南 先是有查遮

爾倫國者。與波蘭隣。其王贅於波蘭女主。遂與波蘭合。後為我
羅斯所取。稱為西我。其人白皙。又稱白我。迨後波蘭衰亂。我羅
斯與奧地利亞普魯士瓜分其國。我得三分之二。道光十二年

波蘭遺臣。據地起兵。與我軍戰。潰敗而逃。其地卒歸於我。合前
所得白我地。統稱波蘭部。白我地廣闊平坦。草茂土肥。宜耕宜
牧。其民修潔。屋宇整峻。分六部。曰威德比斯科部。曰摩宜勒威

部曰明斯克部曰維里納部曰哥羅德諾部曰窩黎尼亞部曰

波多里亞部波蘭地蕩平如砥林茂草芳穀果俱豐兼產材木

煤炭蠶蜜分八部曰馬索維亞曰加拉哥維亞曰三多迷爾曰

加利斯曰魯伯林曰波羅略曰波連拉給亞曰亞烏斯多窩

地界原圖 未分畫

高加索新藩部一作吉在海東諸部之東南亞細亞極西之土

也南境有高加索山西歷黑海東抵裏海綿亘蜿蜒千峯矗起

其北境環抱裏海地勢平闊達於加厘部之白爾摩舊本游牧

回部俄羅斯以兵力取之迤南在高加索山南北者皆土番種

類獷悍異常舊屬土耳其波斯兩國近年俱為俄羅斯所割置

新藩五大部極北者曰疴倫不爾尼部一作阿地接西域回部

豐草鋪原蒙回各部互市於此以馬牛羊易布疴倫不爾尼

之西南曰阿斯達拉干部一作迂為五藩部之都會窩瓦河從

西北來由此入裏海兩岸草場豐美牧畜蕃庶即土爾扈特寄

域聞見錄謂烏巴錫因河水未合率河南戶口內附而遺其河

北今考窩瓦河自西北而東南烏巴錫之東徙蓋攜其河東戶

口而遺其地通衢四達西域游牧各部互市者給驛於途故

富饒為五部之最女子絕美各部爭買為婢妾價極貴有才能

者或為妃后裏海產鱧魚龍土人長於釣捕販行甚遠阿斯達

拉干之南曰薩加社一作色爾各設在高加索山之陰種人居

巖谷不事耕作貧甚而性特悍猛習於剽劫鄉皆土堡自練丁

...

...

...

壯為兵。梗令揭竿時時有之。我軍收捕。往往挫衄。僅羈縻以固邊圉。不能使之馴擾也。薩加社之南曰諾尼阿部。一作額里在高加

索山之陽。本屬土耳其。後稱兵叛土。我羅斯征服之。收為藩部。

其地山嶺崎嶇。戶口繁而貧。販鬻男女為奴婢。民俗悍獷。甚於

薩加社。諾尼阿之東曰日爾日部。一作無阿義東距裏海。跨高加索

山之南北。本屬波斯。文化十年嘉慶十八年。我羅斯戰勝。割取之。民俗與

諾尼阿同。男女多美姿容。會城曰得勒。甚卑陋。我人修飾之。漸

改觀矣。薩加社。諾尼阿。日爾日。三部。近年又分為八部。曰日爾

亞。曰達。曰丹。曰西。爾。加。西。亞。曰亞。巴。西。亞。八部之外。又別立高加索省。原圖皆未分畫。

西伯利部。一作西卑里亞。又作悉比登。亞細亞之北境也。西起烏拉嶺。東距

大洋海。北距北水海南。抵外興安嶺界黑龍江。索倫。喀爾喀。烏

梁海。蒙古。哈薩克。回部。長約一萬三千里。寬約五千餘里。地處

窮髮之北。限以峻嶺崇山。自古輶車之所未至。歷代行國之所

不居在大地。為別一區宇。其地氣候極寒。迤南猶見草木。迤北

勾萌鮮茁。僅有矮松白楊。一年中冰雪凝結者九閱月。其人種

類各殊。戶口甚稀。游牧者或偶至焉。寒冽不可久留。故庭幕不

傳於紀載。元代有漠北藩王。嘗探悉其地。欲跨嶺割據之。以險

遠而止。前明中葉。我羅斯既興。有商舶於冰消時。駛至西伯利

海岸。以洋貨易皮貨。日漸狎熟。盛誇我之富強。其頭人有率戶

口至我者。睹其國都市廛宮殿之壯麗。傾心歸向。各部競相傳

播咸貢方物為藩屬。我建炮臺於烏彌河口。扼險要以控制之。漸徙罪人供力役。築城戍。於是西伯利西方諸部不費兵力。咸為我有。尋復展轉東略。阻於冰雪。獨薩拉德夫之兵能躡冰前進。遂征服東方諸部。達於東海之隅。我羅斯與我爭雅克薩城。即此時事。至加他隣后時。遣其臣墨領向東北探尋。知亞細亞與亞墨利加一土不連。中隔海峽數十里。遂名其峽曰墨領峽。因跨海據亞墨利加之一隅。綜西伯利全土。東部所產惟皮貨。狐狸兔貂鼠獺之類。皆備專售中國。西部兼產金銀銅鐵。各鑛鐵尤多。每歲得百餘萬担。泰西諸國皆仰給焉。地分八部。曰德波爾斯科。曰多木斯科。曰也尼塞斯科。曰荷慕斯科。曰義爾古德斯科。曰亞古德

斯科。曰荷哥德斯科。曰岡札德加。○德波爾斯科與海東部之亞爾干日爾荷勒內白爾摩等部相連。以烏拉嶺為界。地氣寒甚。產金銀銅鐵鑛。○多木斯科。一作多僕在德波爾西南。與海東部之白爾摩荷倫不爾厄等部接壤。其南與西域之哈薩克回部毘連游牧者時來侵掠。雖有防兵不能禁也。我有大酋駐此。總理東方兼督鑛務。○也尼塞斯科。一作益士在德波爾之南。多木之東。有草場。出各鑛。南境與哈薩克毘連駐兵四千。以防侵擾。○荷慕斯科。一作東色在也尼塞之東。地頗豐饒。善釀酒。人多沈湎。南境抵外興安嶺。與烏梁海各部接壤。○義爾古德斯科。一作耳谷在荷慕之東。地極廣大。出銀鉛鑛。兼產皮貨。每年所得鉛與皮

甚多。足助國用。其人多美手姿。頗講文學。南境抵外興安嶺。與喀爾喀蒙古土謝圖汗車臣汗兩部接壤。南界有甲他城。即內地所稱恰克圖。中國與俄人互市於此。庫倫辦事大臣司其事。彼以皮來。我以茶往。○亞古德斯科一作牙谷在義爾古德之東南。境抵外興安嶺。與黑龍江接壤。康熙年間。議定疆界。立有界碑。其地寒甚。冰雪之消融者。每歲止得三四月。人戶稀少。射獵之外。無生計。俄人取其所得之皮。以當賦稅。○荷哥德斯科一作阿谷在亞古德東北。地盡亞細亞之東北隅。寒冽過於亞古德。土人亦以獵獸為生。俄設官以賦其皮。城建海濱。與海東各島通商。以收皮貨。○岡札德加一作堪察加在荷哥德之東。東界斜伸入海。

形如大刀頭。其地終年寒冽。草木稀疎。海鳥翔集如蠅蚋。居民捕魚為食。穴地而居。即東省所謂魚皮鞋子俄人設口收皮。朝臣有重罪者。流竄於此。○自亞細亞極東北。至亞墨利加海中各島。稱亞律群島。迤南接日本各島。稱古利群島。皆產皮。俄船往來收皮。驚於中國。○北亞墨利加之西北隅。曰監札加。俄人逾荷哥德之墨領海峽。跨而有之。地寒凍無他產。所得者皮貨而已。俄羅斯雖分四大部。而大勢則東西兩土。西伯利其東土也。海東波蘭二部。其西土也。高加索新藩部。地雖在亞細亞。而與海東部牙錯亦西土也。東土曠邈無垠。雪窖冰天。自古為不毛之土。境內有勒拿葉尼塞阿比等大河。大半發源漠北。流入北冰

海湖之大者曰蘇米曰排半土人戶口稀疎雜以流寓亦甚寥落種族難稽土俗亦無可言物產則東皮西鑛皆獲無窮之利亦外府之一奇也西土三部周廻萬餘里半皆平土立國雖在北境沃壤則多屬南方河流之最長者曰窩瓦東南流七千餘里而入裏海地尼伯河南流入黑海頓河西南流入亞速速即阿海灣土味拿河西北流入波羅的海隅阿尼牙河北流入白海西北多太湖曰刺多牙曰阿尼牙曰西莪其海口之可通舟楫者北方則白海之隅澤加牙之灣西北則芬蘭利牙之灣西南則亞速之灣港汊四通舟行似便惟因地氣嚴寒海水之不冰者歲不過六七月或四五月船不能以時往來其南界之黑海

由他大尼里海峽與地中海一綫相連海道不如他國之通利是以遠涉為難其民各分種族一曰薩刺瓦族居齊民之大半曰力丁族居波羅的沿海曰芬族即芬蘭土人居西北方曰韃韃里族游牧於南方奉回教即西域回部種類曰甲才族亦游牧奉佛教蒙古種類曰日耳曼人墾種新地曰猶太散民務百工地之所產者五穀之外麻與皮為多麻織帆布售於各國皮轉售於中國其木多橡榆松由海道運於各國南方多馬北方多牛牛之油與皮運出無窮東界之山產金銀銅鐵金鋼石其民衣長衫冬著羊皮食物最粗以大麥粉為湯粉水為飲人多嗜酒身體不浴冬月嚴寒卧爐上以取溫其俗重希臘教門亦洋教別派京師有

總教主大有權勢。其各教師散居各部。有廟七十萬間。僧一十六萬人。男寺四百八十所。女寺一百五十六所。

俄羅斯有宰相。筦政事。有大事王召貴者一百二十人。議於公會。其部有八略。如中國之六部。益以宗人理藩。每年關稅田賦雜稅。共銀七千八百萬兩。陸路額兵六十一萬。長於馬隊。火器亦精。水師大兵船四十隻。戰船三十五隻。兵船二十八隻。小船三百隻。水手四萬丁。軍法嚴。每排陣。軍士屹立如盤石。無敢移步者。用刑最酷。榜掠之刑。慘於死。俗尚畜奴僕。貴官富商。每人所畜以數十百計。通國奴僕凡百餘萬。浮於兵額。

按俄羅斯舊國在秦漢為渾廆屈射堅昆丁零諸部。受役屬

於匈奴。在唐為黠戛斯骨利幹等國。宋末元太祖起北方。拓

地西域。以阿羅思等即俄羅斯轉音三部分其長子。乃東峨大峨兩

部地。非今日俄羅斯之全土也。元氏既衰。俄羅斯故王後裔

再燃餘燼。假鄰國西費耶忒兵力。今瑞典國驅逐蒙古。恢復疆土。

迨後日益強盛。沿北海漸拓而東。繞出西域回部外蒙古諸

部之北。直達黑龍江東北徼外。名曰西伯利部。我朝順治年

間。築城於雅克薩。侵擾索倫諸部。稱為羅利。屢遣兵毀其城。

輒復據之。康熙年間。兩致國書。復由荷蘭附書。諭其國王。其

王乃遣使上書。乞撤雅克薩之圍。分定疆界。立碑為志。通貿

易於車臣汗部之恰克圖。Kachku并遣人來京師。學習漢文。每十

歲一貢。其國名曰羅刹。其地廣袤。其民強悍。其俗尚畜奴僕。其

年更易治為常例。其西境自彼得羅崛起，日益恢拓，西割瑞典之芬蘭，南兼高加索，迤北諸部，西取白俄諸部，又割波蘭三分之一，土耳其波斯北境亦多被侵割。於是俄羅斯境土北環北冰海，西據波羅的海，東距大洋海，即東海又跨海據北亞墨利加之一隅，長約二萬餘里，其南北之勢則西土較闊，約六七千里，東土較狹，約四五千里。宇內疆土之恢闊，無過俄羅斯者。宜其強大莫與京矣。然在歐羅巴諸國中，亦不過比肩英佛，而未能定霸於一方者，何也？嘗以詢之雅裨理，曰：彼所有者，多北裔窮荒之土，其東部層冰積雪，草不繁，牲不畜，不可遊牧，故漠北諸部棄而不居，俄人得之，收其皮，鑛之。

利。所謂人棄我取，非力能驅除而據為己有也。迤西入歐羅巴界，戶口稍盛，再西至大俄東峨之南，不乏名都大邑，然較之英佛諸國，總覺土滿舟楫之利，火器之精，心計之密，又遠遜於諸國。逐鹿海隅，往往瞠乎其後，特因其疆土之廣，究係海內大國，故諸國亦未敢輕視之。比權量力，不過齊秦晉楚，相為匹敵已耳。

俄羅斯都城臨海，亦有巨艦數十，然水戰究非所長，故不能在大海中與諸國角。勝其貨船亦止往來西洋諸國，未嘗涉大洋而至粵東。蓋其國物產之最多者，曰銅鐵，曰麻布，曰木料，曰牛馬。隣近諸國皆仰給焉，不必求售遠方。最珍貴者皮

貨如狐貂海龍駱駝羊灰鼠之類專以供中國之用入海
船而載至炎方計無不朽敗者通市之在陸而不由海職是
故也

西域聞見錄云。我羅斯本控噶爾屬國。我羅斯缺其朝貢。又
興兵擾其邊。控噶爾以大兵臨之。我羅斯恐懼乞降。增其歲
貢。控噶爾乃舍之。又云。當我羅斯與控噶爾連兵。屬國土爾
扈特。不堪徵調之苦。其汗烏巴錫叛我羅斯。率其人戶度戈
壁內附。正乾隆年間。勘定西域之時也。今考歐羅巴諸國。并
無控噶爾之名。百年以來。諸大國與我羅斯構兵者。止有土
耳其。佛郎西。波斯三國。佛郎西之侵我。係嘉慶十六年。我人

焚舊都以避之。其禍最烈。事在土爾扈特投誠之後。波斯之

役亦係近年。惟土耳其與我羅斯連兵。前後近百年。道光初

年猶交關未已。聞見錄所云交兵事。其為土耳其無疑。土耳

其都城名君士但丁。一作康思坦胎諾格爾。噶爾即格爾。上

五字之訛為控。或由於轉音省文。舊本羅馬東都。後來猶冒

羅馬之名。故聞見錄稱控噶爾都城名務魯木。魯木即羅馬

之轉音也。土耳其本回部大國。所據者西土形勝之地。恃其

魁悍。敢於侵擾強隣。峨羅斯與之構兵。至數十年之久。徵發

及於屬藩。蓋非得已。烏巴錫素不知兵。出輒撓敗。多所亡失。

又為舍楞所愚。欲恢復伊犁舊牧。傾國東徙。為哈薩克所掠。

逼入沙漠。種類幾致覆滅。乃決計內附。賜牧於喀拉沙爾。我
 羅斯與控噶爾連兵之事。即土爾扈特人所傳述。然土耳其
 雖稱強大。比權量力。究非我敵。疆場之役。我屢勝而土屢北。
 未聞我之挫於土也。烏巴錫怨我羅斯徵調之煩。致已狼狽
 失國。故盛誇敵人之強大以輕蔑之。七椿園於大西洋國土
 形勢概乎未有聞。遽信其夸誕之說。杜撰一莫大之控噶爾
 比。諸懸圃瑤池。同一荒唐矣。或云控噶爾乃圖理雅國王之
 名。曾與我羅斯爭地相戰。烏巴錫傳述此事。誤以汗名為國
 名。今考泰西人紀載。圖理雅即普魯士。國勢遠遜於我。乾隆
 年間。並無與我交兵之事。波蘭故地尚有加拉哥維亞國。泰
 延百餘里。乃波蘭遺民所立。自推

鄉長理事。不立君長。地在俄屬波蘭部之西南。
 我羅斯貨船嘉慶十一年。曾有來粵東者。道光二十八年。又
 有一船至上海。皆經奏明駁回。蓋其國貨船偶隨諸國私米。
 并非奉其國命。故一經駁飭。旋即回帆而去。



此一帶統名芬蘭本瑞國地割歸我羅斯

我羅斯界

鈴江貫中臨



此一帶為芬蘭才歸國以前聽燕羅洪

燕羅洪界

錢巧貫中編

瑞國

瑞典○蘇以天○瑞丁○瑞西亞○綏林○綏亦古○西

費耶斯科○里都亞尼亞○匪馬爾如○波的亞○藍旗

歐羅巴極西北境舊分瑞典柳耳瓦一作謂為又二國今并為

一國東南距波羅的海西北距大西洋海北負北冰海南北約

三千餘里東西約一千餘里地形如葵扇下垂中有連山脊起

瑞立國在山之東西則柳耳瓦故地也地極廣莫而荒寒特甚

土復磽瘠故民食鮮薄戶口稀疏古時為野番部落兩漢時流

入日耳曼界內散處各國趙宋初有大酋厄里哥エリク招集部人建

造城邑是為瑞典立國之始是時柳耳瓦亦推大酋合羅爾德

為王數傳後柳耳瓦為連國所兼并明洪武年間連王后馬里

加爾達有權略。以術招誘瑞民。隸大尼國。為一國。建國由是

日強。再傳至后孫。殘忍好殺。瑞民多怨畔。瑞有王孫曰瓦撒。一

逐捕。瓦撒走北地。匿僧舍。乃免。因涕泣募土人。誓以除虐。復仇

引兵伐。噠累戰皆捷。故土全復。嘉靖二年。瓦撒即王位。威惠並

行。瑞國大治。王卒。世子嗣位。荒淫無政。為國人所囚。仰藥死。萬

曆長十五年三十八年。王俄世答即奧地嗣位。時日耳曼王利亞尚洋教。諸國

遵西教者。咸被攻伐。瑞素崇西教。王救諸國之同教者。帥師伐

日耳曼。中礮殞於陣。其大將卒戰勝。乃班師。王女基利斯的那

嗣位。癖好文學。厭苦兵事。遜位於外戚加爾祿斯之羅馬游學

不復反。加爾祿斯以康熙三十八年元嗣位。加爾祿斯一作查理

查理訛音年十八。血氣方剛。銳於戰伐。以兵侵波蘭。割其境土

之半。波蘭大臣峩羅斯連兵來伐。王擊敗之。威聲震一時。後再

攻波蘭之烏哥來納部。全軍盡覆。親赴土耳其求援。五年不得

請。乃歸。復引兵攻挪耳瓦之非德黎沙爾。戰死城下。峩羅斯因

以大衆蹙之。嗣王累戰皆北。割東境之芬蘭以講。峩兵乃罷。當

峩兵之方急也。諸酋各懷去就。或專擅自恣。王銜之。事定之後。

王與諸大邦聯盟。將討諸酋之不軌者。諸酋懼謀弒王。禮拜日。

伏宮以火鎗擊殺之。王子嗣位。性卞急。好用兵。師屢撓敗。拮餉

愈急。國人噪變。逐王。嘉慶十四年。國戚加爾祿斯攝王位。其養

愈急。國人噪變。逐王。嘉慶十四年。國戚加爾祿斯攝王位。其養

愈急。國人噪變。逐王。嘉慶十四年。國戚加爾祿斯攝王位。其養

愈急。國人噪變。逐王。嘉慶十四年。國戚加爾祿斯攝王位。其養

愈急。國人噪變。逐王。嘉慶十四年。國戚加爾祿斯攝王位。其養

愈急。國人噪變。逐王。嘉慶十四年。國戚加爾祿斯攝王位。其養

子伯爾拿多的佛郎西人。曾為大將。智略過人。攝王委以政柄。修武備。結會盟。用兵謀定。而後戰。所向克捷。攝王因傳以位。亦更名加爾祿斯。即今在位之王也。西境之柳耳瓦。本屬噠國。嘉慶二十年。各國公使會議於維也納。以瑞地之附近於噠者歸噠。而以柳耳瓦歸瑞。

瑞典本國氣候極寒。迤北沙磧低窪。皆不毛之土。南界土稍沃。而濱海多淖泥。農作甚艱。恆苦乏食。富者啗餅薯。貧者屑樹皮。雜醃魚噉之。所產者木料銅鐵。舉國以此為生計。亦產銀鉛。鑿礦獸皮。境內小河甚多。皆自西而東。入波羅的海。其流湍急。而短。舊分四大部。建都之部曰綏林波羅。都城曰斯德哥爾摩。一作

士突 訓 建於美拉爾湖濱。廟堂華炫。樓閣重疊。外通海口。為通國

之大埔頭。南曰島蘭。三面界海。北曰那蘭。再北曰臘巴蘭。一作

爾。後又分為二十四部。曰斯德哥爾摩。曰烏布薩拉。曰威士德

來斯。曰尼哥兵。曰荷勒波羅。曰加爾羅斯達。曰斯德拉哥巴爾

卑。曰日非勒波爾。曰靈哥兵。曰加爾馬耳。曰仍哥兵。曰哥羅諾

卑爾。曰波勒金日。曰斯加拉波爾。曰厄爾弗斯波耳。曰荷德波

耳。曰亞爾慕斯達。曰基利斯的安斯達。曰馬爾摩呼斯。曰荷德

羅。曰諾爾波敦。曰威斯德爾波敦。曰威斯德爾諾耳蘭。曰仍德

蘭。二十四部原。○柳耳瓦在瑞國大山之背。地形狹長如帶。北

抵冰海。西面大西洋海。山脚搓牙入海。如蠟爪。波濤蕩激。礁石

嶺。未分盡。

嶙峋海舟誤觸立糜南界有腴壤稼穡四旬即熟迤北多沙磧且寒凍不毛民多以魚為穀舊分六部極南曰幾力底斯安山迤北東曰沃牙哈斯西曰麻銀哈斯再北曰特倫林再北曰那蘭斯極東北負北冰海曰肥引墨後又分為十七部曰亞日胡斯曰斯馬勒難曰里德馬爾根曰基利斯的安曰不斯給靈曰巴拉德斯北爾曰內德尼斯曰滿達爾曰斯達完白爾曰仍爾靈斯卑爾曰南卑爾仁曰北卑爾仁曰羅慕斯達爾曰南德倫的音曰北德倫的音曰諾爾蘭曰分馬爾根十七部原圖未分畫土產五金銀為多又產花紋石民情樸厚善待商旅○瑞典之臘巴蘭椰耳瓦之那蘭斯肥引墨背負冰海非人所居稍南夏日長九

時冬夜長九時極北冬有夜無晝不見日者七十五日夏有晝無夜不見月者七十五日五六兩月暴暖蚊蚋密如塵沙過此雪霰飛集皆寒凍之日矣居民身不逾四尺有野獸形似鹿繫之以當牛馬乘騎馱載皆用之斃則食其肉剔其筋以為弓○波羅的海東岸有廣土曰芬蘭與臘巴蘭肥引墨相連本瑞典東境康熙年間割歸俄羅斯瑞典有西費耶之稱費耶合音為芬即指芬蘭也按瑞國處窮髮之北在歐羅巴諸國中最高為貧瘠而能發奮自保不為強隣所并兼安樂者禍之萌憂患者福之基雖荒裔亦如是也其商船時有來粵東者

一	蕭亦以是出焉南嶺湘水與東流
二	自南水出於南嶺北流於湘水
三	故國國城在嶺之北城隍之南
四	城隍之南有城隍廟
五	城隍廟在城隍山之北
六	城隍山之北有城隍廟
七	城隍廟在城隍山之北
八	城隍廟在城隍山之北
九	城隍廟在城隍山之北
十	城隍廟在城隍山之北
十一	城隍廟在城隍山之北
十二	城隍廟在城隍山之北
十三	城隍廟在城隍山之北
十四	城隍廟在城隍山之北
十五	城隍廟在城隍山之北
十六	城隍廟在城隍山之北
十七	城隍廟在城隍山之北
十八	城隍廟在城隍山之北
十九	城隍廟在城隍山之北
二十	城隍廟在城隍山之北

四卷九上

連

國

園



瑞國界

聖彼得堡

納哥

蘭又名爾低
作日加納
塞倫倫馬

尼非
亞俄

勞英不爾厄

波羅的海

大西洋海

音德新爾琦

魯爾

曼爾日

界曼耳日

多亞
納爾

界曼耳日

克蘇石
尼勒

鈴江貫申臨





蘇格蘭

英倫島

錢石貫中編

連國

連國。連馬○領墨○吝因○丁抹○大尼○丹麻爾○雪際
亞蘇厄祭○盈黎馬祿加○低納馬爾加○黃旗 歐

羅巴小國也。其商船常掛黃旗。故粵東稱為黃旗國。地形從日耳曼北出。如人之握拳。伸臂於海中者。與瑞典南境相對。作凹凸之形。北西東三面皆海。南界日耳曼列國。南北約千里。東西闊處四五百里。狹處二三百里。古時為土番部落。性波羅非內塞。各種居之。後為幾特族所據。與瑞典挪耳瓦合。稱斯干的挪瓦國。地瘠食不足。沿海之民。皆捕魚為糧。因操舟學泛海。漸劫掠為海盜。諸國患之。趙宋初。有大酋哥爾摩者。衆推為王。突以兵船攻英吉利。英人蒼黃避之。遂據國都。英以厚賂緩兵。尋以

贏環志略 卷四

計殲其衆。噠舉兵復仇。連年侵擾不已。英許歲賂與之。和是時諸國以海寇目之。不齒數於列國也。後其王有駕奴特者。一作加奴度能修國政。賞罰嚴明。北伐挪耳瓦。滅之。伐英吉利。破倫敦。遂無王。英土駕奴特死。其子繼立。為英北族威蕪所殺。噠國幾危。後復有賢主嗣位。四境乃安。明洪武十年。天曆三年。女主馬里加爾達嗣位。號賢明。內修政事。外聯與國。於是瑞典亦納土為北藩。威權大振。嗣王能守其法。擴疆土。創科條。四隣咸服。其子嗣立。性酷虐。多內寵。戮酋長九十人。復欲盡滅諸酋之家。諸酋乃集議廢王。立大酋基里斯的亞奴為王。時瑞典已立故王之裔。兩國構兵數十年。乃罷。寬政五年。嘉慶二年。英吉利師船至波羅的海。噠欲耀威。

列巨艦陳大礮。扼之於港口。英人以師船攻之。英師勝而船多損。乃講和而退。文化元年。嘉慶九年。佛郎西拿破命以兵伐噠。噠與之和。拿破命密約噠以舟師襲英。英人偵知。先以大衆攻噠。圍都城。燔郭外四百椽。城垂陷。乃乞盟。復搆兵六年。國虛耗不可支。近年交易頗盛。元氣漸復。噠舉國奉西教。迤北語音近瑞典。迤南近日耳曼。所產惟五穀。牲畜。每歲賣馬萬餘匹。牛七千。穀有餘糶於英吉利。

噠國分五部。西四部與日耳曼相連。為波羅的海之門戶。橫亘如張。西面沿海窪下。築長堤以捍海潮。大風起則飛沙覆田。壠畝全沒。故多種樺以堅其沙。極北曰人德蘭。地極廣莫。多沙磧。

有大湖七。迤南曰勞英不爾厄。再南曰荷爾斯德音。再南曰石

勒蘇益克。後兩部地連日耳曼。公會應出防兵三千六百名。詳說

日耳曼南界有大埔頭曰亞爾多納。與日耳曼之昂不爾厄相近。

時有釁爭。又有大書院曰基里。東北有大島曰低納馬爾加。又

名日倫。都城建於此島之東北隅。曰哥卑納給。一作可為國之

大埔頭。城內街衢繩直。屋宇軒敞。居民十萬。諸國貨船出入波

羅的海。必經由此港。峽口名加的牙。闊僅數里。連設關。權稅不

則。搯之使不得過。諸國無如之何。亦遂安之。其國之富強。以此

日倫之南。有兩島相連。入德蘭之東南。有大島曰非俄尼亞。西

界海中多小島。民之生計以魚為糧。西北大海中有大島曰

義斯蘭地亞。一作西。噠所屬也。地在英吉利三島之北數千里。

氣候寒冽。同於瑞典之北境。有火山曰挨哥辣。時迸流火漿。焚

廬舍。地震最烈。往往山陵陷為坎窞。其民善捕長鯨。取其油。獵

海犬。剝其皮以為衣。

按噠國之在歐羅巴。壤地甚褊。未堪與諸大國比。權量力也。

而加的牙一港。扼波羅的海數千里之喉。噠人實掌其筦。遂

翹然為一方之傑。國之強弱。豈盡在乎疆土之廣狹哉。

臨江府一水三關之險固足據守也

而此山亦一水三關之險固足據守也

外如四山之險固足據守也

城大隴其火之為味

氣令城東城隍山如城隍山在城東

城隍山在城東城隍山在城東

城隍山在城東城隍山在城東

城隍山在城東城隍山在城東

